



Inatsisartunut ilaasortamut
Vivian Motzfeldt
Siumut

27-09-2021
Sags nr. 2021 - 11340
Akt. id. 17071611

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

**§37 naapertorlugu kommunefogedit pillugit apeqquteqaammut akissut nr. 073-2021.
Asasara Vivian Motzfeldt**

Qujanaq apeqqutinut. Apeqqutit ataani tulleriisillugit uterlugit allanneqarput akineqarlutillu. Akissutigisassanut atatillugu Inatsiseqarnermut Ministereqarfik paasissutissanik pissarsiniarfigneqarsimavoq.

1. **Nunatta Kangiani isorliunerusuni najugalinni kommunefogedeqarfiunngitsuni pisut ilungersunartut politiiunut saaffiginnissutigineqartarsimagaluit iliuseqarfigiومانeqarneq ajortut Naalakkersuisunit qanoq aaqqiiffigneqarniarpat?**

Naalakkersuisut isumaqatigaatsit kommunefogedinik amigaateqarneq naammaginangitsuummat. Innuttaasut toqqisisimasuunissaannut pingaartuuvoq nunap ilaani inuit sumiikkaluarunilluunniit politiiunut saaffiginnissinnaaffissaqarnissaat. Siusinnerusukkut naalakkersuisuusarsimasut pineqartoq inatsiseqarnermut ministerimik Inatsiseqarnermullu Naalakkersuisuusarsimasut ataatsimeeqqateqartarnerminni pineqartoq qaqqittarsimavaat. Tamannalu nangittumik qaqqeqqinneqartassaaq pissutsit naammaginarsinissaasa aaqqinneqarnissaat tikillugu.

Danskit aningaasaqarnermut inatsisaanni 2018-meersumi ukiuni 2018-2021 ilanngullugu aningaasanik Kalaallit Nunaanni inatsiseqarnermut atatillugu Kalaallit Nunaanni Eqqartuussiveqarfiit immikkut ittumik iliuseqarnissaannut atugassanik aningaasaliiffigneqarput. Atugassanit taakkunannga 1 million kronit ukiumoortumik kommunefogedissarsiornissamat taakkulu ilinniartitaanissaanut atorineqartussaapput. Inatsiseqarnermut aningaasat atugassat taakku pillugit majimi 2021-mi nalunaaruteqarnermi ilanngullugu nalunaarutigineqarpoq aatsaat taama amerlatigisunik kommunefogedinik atorfeqartoqalersimasoq. Tamatuma saniatigut Naalakkersuisut inatsiseqarnerup iluani iliuusissanik naammassisassanillu pilersaarummik iluarsaaqqilerput. Tassungalu ilanngullugu kommunefogedinik pissarsiorneq ilinniartitsinissarlu salliutinneqaaqqissapput.

Inatsiseqarnermut Ministeriaqarfik imaattumik ilanngussaqaarluni nalunaaruteqarpoq:



“Naalagaaffiup politiivi Kalaallit Nunaanni Politiinut akissummut ilassutissamik paasiniaasimapput taakkulu oqaatigaat oqaluttuarisaanermi aatsaat taama kommunefogedit amerlitigisimasut. Politeeqarfiit ataavartumik pissariorneri aalajaatsuutitsinarnerallu ima kinguneqarsimasoq 1. August 2021-mi kommunefogedit 62-t Kalaallit Nunaanni suiisorineqalersimallutik, ilanngullugu oqatigaat nunaqarfiit tallimat kommunefogedeqanngitsuusut. Taakku tassaapput Ammassivik, Eqalugaarsuit, Qassimiut, Isortoq Kuummiullu. Kalaallit Nunaanni politiit oqaatigaat nunaqarfik Kangaatsiaq pingasunik kommunefogedeqarfiusussaasoq kisiannili massakkorpiaq ataasiinnaagallartoq sulisorineqartoq soorlu aamma Saattut marlunnik kommunefogedeqarfiusussa q massakkorpiaq tassani ataasiinnaq sulisorineqartoq.

Nunaqarfinni kommunefogedeqanngitsuni marluk Isortoq Kuummiullu Tunumiipput. Kalaallit Nunaanni politiit oqaatigaat nunaqarfinni taakkunani ukiorpaalunngulersuni kommunefogeditut sulinissaq soqutigineqarpallaartarsimangitsoq. Ataasiakkaanik saaffiginnittoqartarsimavoq kajumikkaluartulli taakku ajoraluartumik assersuutigalugu siusinnerusukkut pineqaatissinneqartarsimanertik pissutigalugu nunaqarfimminni politiinut sinniisaallutik sulitinneqarnissamat piukkunneqartarsimangitsut. Politeeqarfinniit nalunaarutigineqarportaaq suliunnaarnerup atorfinitsitsinerullu akornini Kalaallit Nunaanni nunaqarfiit ilaanni kommunefogeditut atorfik inuttaqanngittarsinnaasoq.

Kalaallit Nunaanni Politiit ulloq-unnuarlu pigaartoqartarput inuuttassunut politiinut saaffiginninniartunut sukkulluunniit saaffigineqarsinnaasumik. Kalaallit Nunaanni Politiit iliuusissatut ima aaqqiisimapput innuttaasunit saaffiginnissutit tamarmik qitiusumik pigaartoqarfimmit tiguneqartarlutik taamaalillutik politeeqarfiit ataasiakkaat namminneq suliassat suut kommunefogedinut ilinniagaqarsimasunut piginnaasaqarfigisaanullu suliaritissallugit aalajangersinnaallugit. Nukinginnartumik pisoqartillugu Kalaallit Nunaanni politiit illoqarfimmi qaninnerpaamiittut nunaqarfimmukartinneqarsinnaapput.”

2. Upalungaarsimaneq taamak annikitsigitillugu innuttaasut saaffissaqanngitsut qanoq periuseqarfiginiarneqarpat?

“Naalagaaffiup politiivi akissuteqarniarlutik Kalaallit Nunanni politiit ikiortigissallugit saaffigisimavaat tassangalu nalunaarutigineqarpoq ulloq-unnuarlu pigaartoqartitsisoqartoq innuttaasunit politiinik attaveqarniarnermi saaffigineqarsinnaasumik.

Nunaqarfimmi kommunefogedeqanngitsumiikkaanni politiit suliassaanik ikiortariaqartilluni (soorlu pas-itaarniarluni, biilernermulluunniit allagartartaarniaraanni il.il) illoqarfimmi qaninnerpaami polititiit tamanna suliarissavaat. Taamaattoqarpat soorlu nunaqarfinni Tunumiittuni suliassaq Tasiilami politiit suliarissavaat. Imaattoqarpat suliassamik nukinginnartoqartinnagu taava Kalaallit Nunaanni Politiit akuttunngitsumik suliartorlutik, ilitsersuiartorlutik allanillu allaffissornikkut suliassanik suliartorlutik nunaqarfiit tikittariaqartarpat. Nukinginnartumik pisoqassagalarpat taava politiit Tasiilaminngaanniit nunaqarfimmukartinneqassapput. Taama pisoqarpat ullumikkumut imaattarpoq politeeqarfik umiatsiamik imaluunniit helikopterimik attartorluni suliassamik suliarinnikkiartortarluni kisianni julimili Tasiilaq namminerisaminik sukkasuuliamik angallateqalernikuvoq. Taamaattumik periarfissaqarluarnerulissapput nunaqarfimmi suliassanik isumaginnissaminnut kisianni aamma aalajangersimanerumik nunaqarfinnut angalasarnissaminnut.

Angallatitaaq taanna iluaqutigalugu politeeqarfik ataqatiginnerulersinneqassaaq aammalu pitsaanerumik sillimaniarneq pilissalluni kiisalu takussaanerulerlutik nunaqarfinnik ikiusinnaanngomerussallutik. Kalaallit Nunaanni Politiit aamma taamaalillutik Isortumi Kuummiunilu nunaqartunut attaveqarnerulissapput



innuttaasunut kommunefogedingornissamut qinnuteqarnissamik kingumut soqutiginnerulersitsisinnaasumik kinguneqartumik.

Kalaallit Nunaanni Politiit naggattaagut ilisimatitsissutigaat Kuummiuni pisorta qarfiit allat sinnerlugit sulisuusunut suleqateqarluarneq pissutigalugu nalinginnaasumik kommunefogedimit suliarisariaqartuugaluit naammassineqartarsimasut.”

Inussiarnersumik inuulluaqqusillunga

Naaja H. Nathanielsen